

渤海國志長編

冊九

渤海國志長編補遺

遼陽金毓猷 撰集

平盧軍節度使鎮撫室韋靺鞨

舊唐書地理志按靺鞨即渤海也

漢地東至樂浪玄菟今高麗渤海是也今在遼東

同土地志注

慎州武德初置隸營州領凍沫靺鞨烏素固部落

同土地志按此即遼太

祖滅渤海歸途所次之慎州也

黎州載初二年析慎州置處浮渝靺鞨烏素固部落

同土地志按浮渝一作按

扶餘即浮渝渤海琰府王之稱之所自也

憲宗元和十四年春三月戊子以華州刺史馬總為鄆濮曹等

州觀察等使己丑以義成軍節度使薛平為青州刺史充平盧

軍節度淄青齊登萊等州觀察等使以淄青四面行營供軍使

王遂為沂州刺史充沂海兗密等州都團練觀察等使析李師

道所據十二州爲三鎮也

舊唐書本紀

十五年正月穆宗即位秋七月乙卯平盧軍新加押新羅渤海

兩蕃使賜印一面許置巡官一人

同上和十四年按唐會要七十八元

度薛戎爲平盧軍節度戎字當一作平又云仍加押新羅渤海兩

蕃使仍舊爲平盧軍賜兩蕃印一面此爲後一年之事而唐會

要誤以爲同時加押當從舊書本紀代宗大曆八年閏十一月渤海質子盜修龍袞擒之辭云慕中

華文物帝矜而舍之

冊府元龜四十一已見卷一作海東釋史十一引茲更正之

敬宗以長慶四年正月即位二月壬午平盧軍節度使薛平遣

使押領備宿衛渤海大聰睿等至樂驛命中官持酒脯迎宴焉

同上百十一已見卷一作海東釋史三十九引茲更正之

中宗即位遣侍御史張行岌往招慰靺鞨渤海郡王大祚榮

同上百七

玄宗先天二年遣郎將崔訢往册拜渤海大祚榮左驍衛員外大將軍渤海郡王仍以其所統爲汗

案此上奪忽字

州都督自是每歲

遣使朝貢

同上

開元十年閏五月戊寅勅曰我國家寰宇歷年滋多九夷同文四隩來暨夫其襲冠帶奉正朔颺颺然向風而慕化列于天朝編於屬國者蓋亦衆矣我則潤之以時雨煦之以春陽淳德以柔之中孚以信之玄風旣同羣物滋遂莫不自天壤窮海域厥角以請吏執贄而來庭皇唐之德於此爲盛今外蕃侍子久在京國雖威惠之及自遠畢歸而羈旅之志重遷斯在宜命所司勘會諸蕃充職宿衛子弟等放還歸國契丹及奚斤通質子竝即停追前令還蕃首領等至幽州且住交替者即旋去朕欲以禽獸咸若華夷俱泰來則納其朝謁之禮去則隨其生育之恩

推我至誠崇彼大順含弘之施德莫厚焉

同上
應同被此按渤海質子
敕放還故

具錄之

十二年安東都護薛泰請於黑水靺鞨內置黑水軍更以最大部落爲黑水府仍以其首領爲都督諸部刺史隸屬焉中國置長史就其部落監領之

同上

後唐明宗長興二年正月東丹王突欲率衆自渤海國內附上御文明殿對突欲及其部曲慰勞久之賜鞍馬衣冠金玉帶錦綵器物又大將軍副將軍已下分物有差宰臣率百寮稱賀

同上

二月幸東丹王突欲之第賜突欲絹三百疋至晚還宮

同上

三月辛酉中書門下奏東丹王突欲遠泛滄波來歸皇化旣服冠帶難無姓名兼惕隱等頃以力助王都罪同禿餒爰從必死竝獲再生每預入朝各宜授氏庶使族編姓譜世荷聖恩况符

前代之規永慰遠人之歎自突欲已下請別賜姓名仍准本朝蕃官入朝例安排勅旨付中書門下商量聞奏宰臣按四夷入朝蕃官例有懷德懷化歸德歸化等將軍中郎將名號又本朝賜新羅渤海兩蕃國王官初自檢校司空至太保今突欲是阿機之子且賴渤海國之王念自遠夷宜加異渥冀顯賓王之道以旌航海之思其惕隱赫邈已下始自朋兇不可同等古者保姓授氏有以因官有以所居所掌有因歸化特賜姓名勅旨突欲宜賜姓東丹名慕華乃授光祿大夫簡較太保安東都護兼御史大夫上柱國渤海郡開國公食邑一千五百戶充懷化軍節度瑞慎等州觀察處置押蕃落等使其從慕華歸國部曲罕只宜賜姓罕名支通穆葛宜賜姓穆名順義撒羅宜賜姓羅名實德易密宜賜姓易名師德蓋禮宜賜姓蓋名來賓仍授罕只

等五人歸化歸德小將軍中郎將先助禿餒擒獲蕃官惕隱官蕃名赫邈宜賜姓狄名懷惠相公官蕃名担列宜賜姓列名知恩仍竝授銀青階簡較散騎常侍舍利官蕃名煎刺宜賜姓原名知感福郎宜賜姓服名懷造奚三副使竭失訖宜賜姓乞名懷有三人竝授銀青階簡較太子賓客

同上

九月勅懷化軍節度使丹慕華宜賜李名贊華仍改封隴西郡開國公兼應有先配在諸軍契丹直等竝宜賜姓名

同上

三年四月癸亥以懷化軍節度使李贊華爲滑州節度使初帝欲以贊華爲藩鎮范延光奏以爲不可帝曰吾與其先人約爲兄弟故贊華來附吾老矣儻後世有守文之主則此輩招之亦不來矣絲是近臣不能抗議

同上

晉高祖天福元年十二月詔封故東丹王李贊華爲燕王令前

單州刺史李肅部署歸葬本國

同上

會昌四年九月中書門下奏淄青除向前職額外留押新羅渤

海兩蕃巡官

唐會要七十九

聖曆三年

按即久視元年

三月六日敕東至高麗國南至真臘國西至

波斯吐番及堅昆都督府北至契丹突厥靺鞨並爲入番以外

爲絕域其使應給料各依式

同上

開元四年正月九日敕靺鞨新羅吐番先無里數每遣使給賜

宜準七千里以上給符也

同上

天禧四年四月臨涇胡順之爲青州幕僚高麗嘗入貢道出州

境中貴人挾以爲重使州官旅拜於郊順之曰青大鎮在唐押

新羅渤海其國王來尙當與之鈞禮

續資治通鑑長編九十五

天聖二年冬雄州候卒報有兵入鈔邊衆皆恐已乃知渤海人

叛契丹行剽兩界

同上 一百二

按宋仁宗天聖二年即遼聖宗太平四年檢遼史是年無渤海人叛遼之

事惟太平九年渤海遣裔大延琳起兵於東京尙在後五年

唐元和中渤海王大仁秀南定新羅北略諸部開置郡邑

遼史地理

志東京道遼陽府興遼縣下

及伐渤海以思溫爲漢軍都團練使力戰拔扶餘城身被數創

太祖親爲調藥

同上 趙思溫傳

太平九年大延琳以東京叛孝穆爲都統討之戰於蒲水中軍稍却副部署蕭匹敵都監蕭蒲奴以兩翼夾擊賊潰追敗之於手山北延琳走入城深溝自衛孝穆圍之築重城起樓櫓使內外不相通城中撤屋以爨其將楊詳世等擒延琳以降遼東悉

平

同上 蕭孝穆傳

太平九年大延琳據東京叛蒲奴爲都監將右翼軍遇賊戰蒲

水中軍少却蒲奴與左翼軍夾攻之先據高麗女直要衝使不得求援又敗賊於手山延琳走入城蒲奴不介馬而馳追殺餘賊已而大軍圍東京蒲奴討諸邑平吼山賊延琳堅守不敢出既被擒蒲奴以功加兼侍中

同上蕭
蒲奴傳

太平五年遷東京統軍使九年大延琳叛以書結保州夏行美

執其人送蒲古蒲古入據保州延琳氣沮

同上耶律
蒲古傳

太平末大延琳叛拔刺將北南院兵往討遇於蒲水南院兵少

却至手山復與賊遇拔刺乃易兩院旗幟鼓勇力戰破之

同上
蕭拔

刺
傳

太平九年渤海大延琳叛劫掠鄰部與本京留守蕭孝穆往討孝穆欲全城降乃築重城圍之數月城中人陰來納款遂擒延

琳東京平

同上蕭
匹敵傳

上親征渤海將黃皮室軍有破敵功

同上 耶律古昱傳

時廣州渤海作亂乃與駙馬都尉蕭韓家奴襲其不備平之

同上

蕭酬
韓傳

時饒州渤海及侯檠等相繼來應衆至數萬

同上 耶律章奴傳時章奴叛天祚自立

天慶四年饒州渤海結構頭下城以叛有步騎三萬餘招之下陶蘇韓帥兵往討擒其渠魁斬首數千級得所掠物悉還其

主

同上 蕭陶蘇韓傳

大安二年有詔遷奚中其部所居漢民四百戶宰相承詔趨出公獨□侍上問之公前對曰自松亭已北距黃河其間澤利潭榆松山北安數州千里之地皆靺鞨也漢民雜居者半今一部之民可徙則數州之人盡可徙矣然則恐非國家之利亦如遼東舊爲渤海之國自漢民更居者衆訖今數世無患願陛下裁

察上悟其事遂止

熱河新出土遼平章事侍中賈師訓墓志

凡新羅渤海王書及別錄竝用金花五色綾紙次白檀香木瑟

瑟鈿函銀鑲

翰苑羣書載翰林志

新羅渤海書頭云敕某國云王著姓名尾云卿比平安好遣書

指不多及使五色金花白背紙次寶函封使印

同上載翰林學士院舊規答蕃

書并使紙及寶函事例

乾寧二年十一月渤海國王大璋詣

按應從唐會要作璋

敕書院中稱

加官合是中書

按此下應從唐會要有撰書二字

意諮報中書

同上載翰林學士院舊規沿革

天成三年十二月日學士院記事樞密院近送知高麗國諸軍

事王建表令賜詔書院中並無彼國詔書式樣請賜參酌詳定

奉敕所賜高麗王書詔宜依賜新羅渤海兩蕃書詔體書寫

同上

載續翰林志

開元二十九年授祿山營州都督充平盧軍節度使度支營田

水利陸運使副押兩蕃渤海黑水四府經略

押兩蕃渤海黑水四府經略處置安祿山事迹

張建章四鎮之行軍司馬也曾齎戎命往渤海回及西崖經太

宗征遼碑半在水中建章則以帛包麥屑置於水中摸而讀之

不欠一字

南部新書丙

新羅聖德王二十年秋七月徵何瑟羅道丁夫二千築長城於

北境

三國史記八黃氏維翰曰備渤海也

元聖王六年春三月以一吉滄伯魚使北國

同上

憲德王四年秋九月遣級滄崇正使北國

同上猶北朝謂渤海也

高麗顯宗九年春正月丙申定安國人骨須來奔

高麗史四

高麗太祖八年春三月蚯蚓出宮城東長七十尺時謂渤海國
來投之應冬十二月契丹滅渤海渤海本粟末靺鞨也唐武后
時高句麗人大祚榮走保遼東睿宗封爲渤海郡王因自稱渤
海國併有扶餘肅慎等十餘國有文字禮樂官府制度五京十
五府六十二州地方五千餘里衆數十萬隣于我境而與契丹
世讎契主大舉攻渤海國忽汗城滅之改爲東丹國其世子大
光顯及將軍申德禮部卿大和鈞均老司政大元鈞工部卿大
福謩左右衛將軍大審理小將冒豆干檢校開國男朴漁工部
卿吳興等率其餘衆前後來奔者數萬戶王待之甚厚賜光顯
姓名王繼附之宗籍使奉其祀僚佐皆賜爵

高麗史
節要一

十一年秋九月渤海人隱繼宗等來見於天德殿三拜人謂失

禮大相含弘曰失土人三拜古之禮也

同上

二十五年冬十月契丹遣使來歸橐駝五十匹王以契丹嘗與渤海連和忽生疑貳不顧舊盟一朝殄滅此爲無道之甚不足遠結爲隣絕其交聘流其使三十人於海島繫橐駝萬夫橋下皆餓死

同上

景宗四年是歲渤海人數萬人來投

同上

成宗元年六月正匡行選官御事上柱國崔承老上書略曰

略中

若契丹者與我連境宜先修好而彼又遣使求和我乃絕其交聘者以彼國嘗與渤海連和忽生疑貳不顧舊盟一朝殄滅故太祖以爲無道之甚不足與交所獻駱駝亦皆棄而不畜其深策遠計防患乎未然保邦於未危者有如此也渤海旣爲丹兵所破忽汗亡時其世子大光顯等以我國舉義而興領其餘衆數萬戶日夜倍道來奔太祖憫念尤深迎待甚厚至賜姓名又

附之宗籍使奉其本國祖先之禮祀其文武參佐以下亦皆優
霑爵命其急於存亡繼絕而能使遠人來服者又如此也

同上

顯宗九年春正月定安國人骨須來奔

同上

十年夏五月契丹東京文籍院少監烏長公來見秋八月契丹

東京使工部少卿高應壽來

同上

二十年八月東女真大相噲拔率其族三百戶來投賜渤海古城地處之九月契丹東京將軍大延琳遣大府丞高吉德告建國兼求授延琳渤海始祖大祚榮七代孫叛契丹國號興遼建元天興十一月參知政事郭元卒元性清廉然不自重及興遼叛密奏曰鴨江東畔契丹保障今可乘機取之崔士威徐訥金猛皆上書不可元固執遣兵攻之不克慚恙發疽而卒十二月興遼國太師大延定引東北女真與契丹相攻遣使乞援王議

諸輔臣侍中崔士威平章事蔡忠順言兵者危事不可不慎彼之相攻安知非我利耶但可修城池謹烽燧以觀其變耳王從之自此路梗與契丹不通起復西北面判兵馬事柳詔赴鎮時興遼求援不許故遣詔備之

同上

二十一年春正月興遼國遣水部員外郎高吉德上表乞師夏五月契丹水軍指麾使虎騎尉大道李卿等六人來投自是契丹渤海人來附甚衆秋七月與遼國行營都部署劉忠正遣寧州刺史大慶翰賫表來乞援九月興遼國郢州刺史李匡祿來告急尋聞國亡遂留不歸遣金哥如契丹賀收復東京契丹遣千牛將軍羅漢奴來詔曰近不差人往還應爲路梗今渤海偷主俱遭圍閉並已歸降宜遣陪臣速來赴國必無虞慮冬十月契丹奚哥渤海民五百餘人來投處之江南州郡

同上